

續修汾西縣志

汾西縣志卷之二

城池

坊里附

易曰王公設險以守其國又曰重門擊柝以禦暴
客春秋築城必書赫赫金湯綢繆未雨蓋以固吾
圉也夫阨塞在地利慎固在人和上有嘉德下無
違心則衆志成城所謂無形之險非耶司保障者
勞心撫字與民守之非徒曰鑿斯池築斯城美哉
山河之險

增刪舊序

城圍四里高二丈厚一丈東南有塹西北無塹宋太平

興國七年徙縣治主簿趙彥修築之明宏治七年知縣路欽建重樓嘉靖四年縣令黃甲重修鑄火器萬曆三十四年縣令毛炯增築四門甕城女牆門甃以磚額其東曰望霍南曰迎薰西曰人和北曰拱極天啓四年縣令李本植相風氣之宜削去望霍甕城舊係土築

國朝屢有脩葺道光二十五年知縣德蔭甫莅任見其傾圯日甚倡捐醵金修築且以磚包工未竣遷首邑黃令傳紳接修稱仡仡焉

蔣飛占曰城脉來自西山迢遙蜿蜒匝以高阜而
邑治環旋其中厥形若鳳故城以鳳名城西七里
庄爲鳳首東七里庄爲鳳尾北昂南低如舒翼狀
以故邑有梧桐對竹爲鳳棲食至鳴高岡翔千仞
鳳之性也故又曰高岡曰德
輝里不僅在是而是其綱也

附
坊里

明編戶一十五里後歸併十四里崇禎七年因兵
荒併成六里曰崇禮坊曰敦義坊曰梧桐里曰德
輝里曰高岡里而民間則仍稱十四里嗣改爲十
七里大祲以後戶口寥寥今將原編及歸併開拓
分注於左

禮義坊

城東西街

公義坊

城南北街

以上即崇禮敦義二坊

古郡里

城西南十里鄉村四

坡頭

盧家原

韓庄

麻姑

僧念里

城南二十里鄉村四

蔡家庄

衛家灘

南庄

店子

團柏里

城南五十里鄉村三

李家坡

棗平

黃皮

嗣團柏分前後二里

以上併梧桐里

水澗里

城南六十里鄉村二

小河

師庄

申村里

城南七十里鄉村四

張泉

厚義

溝北

毛建庄

伏珠里

城南九十里鄉村四

陳村

廻坡底

大古

張端

以上併德輝里

寺頭里

城西南五十里鄉村五

營村

野村安頭

武家庄

羅上

頭化里

城西南四十里鄉村三

圪台頭

原頭

楊家庄

三雲里

城西五十里鄉村三

寶珞

沙堰

蔡家坡

嗣三雲分前後二里

以上併高岡里

王提里

城西北五十里鄉村四

廻城

雲端

西村

胡峯

對竹里

城東北五十里鄉村四

桑原

下庄

洪原

漢峪

神符里

城東二十里鄉村三

前後家樓

連村

李安庄

嗣添神又里

以上併對竹里

新舊共十七里村庄多不悉載

附

市鎮

縣治前東西長街建肆立市糶糴貿易其地分屬
四街後市肆荒涼由東門至署前尙存規模南
西北三方一片斷瓦頽垣蓬蒿彌望

勃香鎮 鳳頭鎮 水潤鎮

按三鎮亦與城市荒廢畧同

附
鋪舍

總鋪 在城 貼金鋪 僧念鋪 衛家灘鋪

團柏鋪 水潤鋪 廻城鋪 三雲鋪

連村鋪 以上諸鋪後僅存其名

倉庾 新增

古昔耕三餘一耕九餘三是以堯水湯旱民鮮流
離儲蓄備也漢立常平倉春出秋歛視豐熟等差
取息歛則蠲之後人虞其掌之在官出納或吝復
使鄉社各置一倉朱子又創義倉法良意美無非
爲吾民計也我

朝兼用其法復常平立社義二倉使在官在民儲積咸
富典莫鉅焉舊志附公署後今專門列之庶

國家皆有不涸之倉以時歛放夫焉有賤傷農貴傷民

之患哉

常平倉

在縣治東舊縣丞宅缺裁改預備倉康熙十五年知縣蔣鳴龍重修乾隆年間重修

改今名共厰十九座

光緒五年知縣曹憲奉文

在本地籌備勸捐得錢四百六十千六年春知縣

錫良先後重修

計厰十九間

社倉三

一附常平倉一在縣治南一在水潤鎮知縣毛炯建

義倉

知縣蔣鳴龍稟明創建年久失其所在

一額儲常平倉穀捌千石

稔後動缺蠲豁無存光緒五六年署任曹憲現任知縣錫

良領銀買補移交署令馮安

瀾接辦於七年買足存貯

一額儲社倉穀壹千零肆拾肆石壹升內有息穀柒拾

捌石貳斗捌升先年並息穀動缺無存穀價解存
府庫咸豐三年粵匪竄晉平郡陷庫被劫穀價亦無

公署

詩曰夙夜在公又曰躋彼公堂周禮載官府次舍
由來舊矣召伯憇棠民猶歌咏之矧發令偃息之
所所以懸法象肅紀綱勤民事未可傳舍視之也
汾署及庶司各舍以木植維艱民力堪恤湫隘卑
陋幾不足以蔽風雨然而有基勿壞締造修葺前
勞未可沒焉因時修舉或亦表正有位者所不廢
縣署

在禮義坊宋太平興國七年主簿趙彥建明成化
二十二年知縣陳文英修萬曆八年知縣王自謹
開拓後宅二進二十年知縣王賓改建崇禎元年
回祿知縣孫以約重建有碑

國朝道光二十四年知縣毛鉞重修 大堂三間

聖諭坊一座東西廊吏舍十間東西皂隸房二間

在月臺下儀門一座大門一座宅門一座知縣宅

一所在二堂後庫一座在大堂西東房一間在大

堂東大門外譙樓三間光緒六年知縣馮安瀾捐

廉重修 鄧侯廟 土地祠東西廊吏舍東西皂

隸房樂樓新添

土地祠享殿三間俱補葺完固詳載土地祠碑記

捕衙署

在儀門西光緒六年典史薛朝 獄一所 在捕衙

幕廳

在縣堂東外圯 康熙九年 里馬廠三楹 在幕廳

寅賓館

在儀門東今圯

察院行臺

在東門內成化年間知縣賈宣建 康熙九年知縣蔣鳴龍修今圯

書院

在東門內巽方 國朝創建顏曰鳳池書院有魁 樓歷任知縣屢修署令于公鍾德厠此祓時自盡

樓上夫人殉
之今改公祠

學署

在文廟後少東詳學校 同治十二年司訓賈執
鈞重修

城守司署

在縣治北街 道光二十七年合里新置

陰陽學

在縣治東今廢

醫學

在縣治東今廢

僧會司

在縣治西巖棲寺

道會司

在縣治北 關帝廟

演武場

在縣東門外一里官路南長八十丈南北闊十
一丈繚以高垣練兵有亭

學校

古帝王建學立師凡以率其德行道藝以副國家
闢門籲俊之求故爲師儒者必日漸月摩造其德
朝考夕糾董其行本家修以爲廷獻則今日之弟
子員卽他日之名公巨卿也汾庠得賈君毅然改
作規制大備士厠其間宜如何爭自濯磨相與有
成俾文章德業追踪往哲孚

壽考作人之化哉

文廟

正殿五楹東西廡各九間元至正九年知縣梁濟
建康熙十三年知縣蔣鳴龍重修光緒初現

任賈司訓執鈞見傾圯太甚
規制亦狹力圖改作見碑記

漢祀孔子於闕里隋始命州縣學皆以春秋仲月釋
奠漢平帝時封褒城宣尼公唐玄宗封文宣王元
成宗加爲大成至聖文宣王其羣弟子封公侯伯
諸儒從祀均加爵位廟制始於宋太祖元榜爲大
成殿冕服始徽宗加冕十二旒服九章明嘉靖九
年詔號曰

至聖先師孔子改像爲木主易殿爲先師殿四配十哲
七十子諸儒皆稱子

國朝雍正二年仍爲大成殿定爲四配東配復聖顏子
述聖子思子西配宗聖曾子亞聖孟子升有子朱
子爲十二哲東哲閔子冉子端木子冉子卜子有
子西哲冉子宰子仲子言子顓孫子朱子均各冠
以先賢字兩廡稱先賢先儒某子東廡先賢蘧瑗
澹臺滅明原憲南宮适商瞿漆雕開司馬耕巫馬
施顏辛曹卹公孫龍秦商顏高壤駟赤石作蜀公
夏首后處奚容蒧顏祖句井疆秦祖縣成公祖句